

Guangjisi Minzcu Bau

ganhhau: CN45-0036 B.2018 Nd.5 Ng.23 liggaeuq fouhswt nienz ndwenseiq cogouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3325期

Swcigih Minzyijveij Lienzhab Guengjsae Sinhwnz- vangj Doiok “Banj Vahcuengh Fapguek Miengnaeuz”

自治区民语委联合广西新闻网推出“壮语版宪法宣誓”

Mboengqneix, Swcigih Minzyij-
veij, Guengjsae Sinhwnzvangj youq
mwh angqcoux Swcigih laebbaenz 60
hopbi neix, doiok le “banj Vahcuengh
fapguek miengnaeuz”.

Doiok “banj Vahcuengh fapguek
miengnaeuz”, dwg gih raeuz ciuq
《Fapguek Cunghvaz Yinzminz Gung-
hozgoz》diuz daihseiq gvanj daihseiq
“gak minzcuз cunji miz gij swyouz
yungh caeuq hwngfat saw vah bonj-
faenh, cunji miz gij swyouz baumaenh
caeuq gajgwz fungsug sibgvenq bonj-

faenh” caeuq 《Fap Gagguenj Dieg
Minzcuз Cunghvaz Yinzminz Gung-
hozgoz》diuz daih ngeihcib it gij cing-
saenz “gij gihgvanh gagguenj dieg
gagguenj minzcuз youq mwh guh hong,
ciuq gij gvidingh diuzlaeh gagguenj
dieg gagguenj minzcuз bonjfaenh,
yungh cunji he roxnaeuz geij cunji
saw vah dangdieg doeng’yungh,
doengzseiz yungh geij cunji saw vah
guh hong haenx, ndaej yungh saw vah
minzcuз saedhengz dieg gagguenj
haenx guhcawj”, gij banhfap cauhoq

doiheingz hong yungh Sawcuengh Vah-
cuengh, vih hengz aen cidu fapguek
miengnaeuz daezhawj le banjbonj
vahgangj gig miz minzcuз daegsaek
Guengjsae, doiq senhconz hag fapguek
caeuq doiheingz yungh saw vah Boux-
cuengh cunji miz yiyouqgaenj.

Ciuq cam rox, youq mwh fanhoiz
caeuq loegguh “banj Vahcuengh fap-
guek miengnaeuz”, ndaej daengz
Cungguek Minzcuз Yijvwnz Fanhyiz
Giz Funghranz Sawcuengh Vahcuengh
haeujcoengh caeuq bang. (Ciengj Yauz)



Sanhgyangh: Ndaw Bozvuz- vanj Siuqdung Hag Dinfwngz

三江: 侗绣博物馆里学技艺

Ndwen 5 ngoenz 18 dwg ngoenz
bozvuzvanj gozci, Sanhgyangh Duncuz
Swciyen Dungzloz Myauzcuз Yangh cujciз
cungh siuhagseng bae aen bozvuzvanj
Siuqdung Sanhgyangh, caeuq “mehdajsiuq”
dangdieg hag daet ceij, dajsiuq, daemjrok
daengj dinfwngz conzdungj, haeujgyawj
roxnyinh gij vwnzva daemjrok guh reih guh
naz Duncuz.

Siuq duncuz dwg gij dinfwngz comz
daemj, nyumx, daet ceij, siuq youq itheij,
cungjloih de fungfouq, yiengh moq, saek
gyaeunde, gaenq youq bi 2011 liedhaeuj
buek daihsam guekgya gaep feih vuzciз
vwnzva yizcanj mingzloeg. Ndaw doz dwg
geij boux hagseng cingq yawj hag dajsiuq.
(Vuz Lenyinh/吴练勋)

Namzningz Ingj Feihyiz Vwnzva Geiqloegbenq, Angqhoh Swcigih Laebbaenz 60 Hopbi

南宁拍摄非遗文化纪录片, 庆祝自治区成立60周年

Mboengqneix, roek ciz Namz-
ningz hawsingz geiqloegbenq youz
Cunghung Namzningz Siveij Vai-
senhban caeuq Cunghyangh Sinhwnz
Geiqloeg Denyingi Guhbenq Cangj
doxgap ingj haenx gaenq haeujdaengz
duenh seiz ingj, aen hanghmoeg neix
gaenq liedhaeuj Namzningz Si cie-
poux Swcigih laebbaenz 60 hopbi
vwnzva yisuz cingbinj hanghmoeg.
Ndawde, gij yizsi Dan’gyah baenzranz
yaeq youq ndaw feih vuzciз vwnzva
yizcanj ciendaез yienh’ok.

Vunz Dan’gyah daengx bi youq
gwnz raemx guh hong gvaq ndwen-
ngoenz, fungsug sibgvenq ndwen-
ngoenz cunji caeuq raemx doxgvenq
gaenjmaed. Gij yizsi Dan’gyah youq
gwnz raemx baenzranz couh cunghaen
langhbaej le gij lizsij vwnzva Dan-

gyah, nem gij sinyangj caeuq maq-
muengh gvaq ndwenngoenz ndei. Bi
2013, gij yizsi Dan’gyah youq gwnz
raemx baenzranz ndaej senj haeuj
buek daih’it Namzningz Si gaep feih
vuzciз vwnzva yizcanj daiqbiusiqng
mingzloeg hanghmoeg.

Namzningz Si gaep feih vuzciз
vwnzva yizcanj daiqbiusiqng mingz-
loeg hanghmoeg—Dieg swnjcienz gij
yizsi Dan’gyah baenzranz youq ndaw
Fuzgenyenz Gaihdauban Gyangh-
nanzludungh Segih. Ndaw segih bonj-
laiz miz geij bak boux boudwkbya,
geij bi gonq boudwkbya cienzbouh
hwnj hamq gvaq ndwenngoenz, gij
yizsi Dan’gyah baenzranz gihbwnj
couh youq gwnz hamq banh, vunz
Dan’gyah cugyamq mbouj youq gwnz
raemx baenzranz. Gij yizsi Dan’gyah

conzdungj baenzranz aeu banh 3
ngoenz, liuzcwnz labcab. Riengz
dwk “ranz vunz gwnz raemx” laebdaeb
hwnj hamq gvaq ndwenngoenz, gij
yizsi baenzranz liuzcwnz gaenq genj-
danh guh ngoenz ndeu.

Namzningz gij yizsi Dan’gyah
conzdungj baenzranz yienh’ok gij
daegsaek deihfueg daegbied, lumj-
baenz baenzranz ginggvaq cienzbouh
dwg youq ndaw sing ciengqdanq guh-
sat. Danq go dwg gij hothoh ceij
youqgaenj gij yizsi Dan’gyah baenz-
ranz, mwh baenzranz ginggvaq,
gyoengq beixnuengx daj gyaеuj daengz
rieng buenx youq henz ndang bawx-
moq, yungh gij hingzsiк ciengqdanq
gangjok gij cingzngaih lai bi caeuq
hohfuk gyoengqde, ciengzmienh gig
angqyangz caeuq ndei yawj.

(Veiz Yenzfuz)

SIUSIK DINJ

简讯

● Ndwen 5 ngoenz 17,
Dwzbauj Yen bi 2018 cungh-
hagseng “ciuhvunz cangqheiq :
saekloeg mbouj miz doeg”
gimqdoeg yienjgangj doxdax
youq aen yienh neix Daihsam
Cogaep Cunghyoz banh. Haiguh
hozdung, caenh’itbouh gya-
giengz hong yawhfuegз gya-
yuz huq doeg haih bouxcoз
nyezrauh, daezsang gij yisiz
caeuq naengzlig bouxcoз nyez-
rauh rox doeg, fuengz doeg, doi
doeg, vih cauuhguh ndawhag
mbouj miz doeg dwk roengz
giekdaej ndei.

(Nungz Cinvanh)

● Ndwen 5 ngoenz 19,
Baksaek Si bi 2018 “5·19
ngoenz lijyouz Cungguek” Bak-
saek cawjdaez senhconz nem
lijyouz banggunz “cib daiq”
hengzdoengh youq Baksaek
Swnhlinz Gvangjcanz hainduj.
Hozdung yienhciegз, doeng-
gvaq vwnzyi biuzyienj, miz
ciengj hoizdap, fatcuengq sw-
liu daengj fuengsik, senhconz
doigvangq gaisau lijyouz canj-
nieb caeuq lijyouz banggunz
hengzdoengh aen si neix, yinx
ndaej haujlai siminz daengz
dieg camgya.

(Luz Feih)

● Mboengqneix, Hozciz Si
Segohlentz cujciз Ginhcwnz-
gyangh, Yizcouh, Lozcwnz,
Vanzgyangh yen (gih) segoh-
lentz, banh sevei gohyoz cien-
doh cunzdauq senhconz hoz-
dung, doenggyaq laeb banjbau,
fat senhconz swliu, soengq saw
segoh daengj hingzsiк guh sevei
gohyoz cienzdoh senhconz.

(Bungz Canghlingz)

● Ndwen 5 ngoenz 18,
Yungzsiu Myauzcuз Swciyen
youq Gvangjcanz Aenvenz
haiguh “daengx dieg lijyouz :
ndwenngoenz gyaеunde” —bi
2018 “ngoenz lijyouz Cун-
guek” doxduenq Yungzsiu :
youz Mbanjmyauz cawjdaez
hozdung, cujciз mbanj lijyouz
giyez, fat doxgaiq senhconz
lijyouz hawj siminz caeuq
bouxhek, banh lijyouz doi-
gvangq gaisau, lijyouz camcaз
daengj hozdung, langhbaej gij
cingzcik Yungzsiu daengx
yienh hwngfat lijyouz, angqcoux
“5·19 ngoenz lijyouz Cун-
guek” daeujdaengz.

(Liu Swjyenh)